

**Meeqqanut, Inuusuttunut, Inatsisit Atuutsinneqarnerannut Naligiissitaanermullu
Naalakkersuisoq – Suliassaqaarfik 66-67**

Konto pingaarnermut 67.01.19 Naartunaveersaatit pillugit suliaq

”Nr. 1.

Naalakkersuisut inunnut Kalaallit Nunaanni Peqqinnissaqarfimmit ullup 31. december 1991-ip kingorna akuersiteqqaarnagit naartunaveersaatinik atuisitsinermik nalaataqartunut, aaqqiissullu taanna malillugu siusinnerusukkut aningaasatigut ajunngitsorsitinneqarsimanngitsunut piumassutsimik ajunngitsorsiaqartitsinissamik piginnaatinneqarput. Aningaasatigut ajunngitsorsiassatut akuerineqartut aamma isumaqatigiissut, eqqartuussut imaluunniit allatigut aaqqiissut naapertorlugu taartisiassamut assingusut, aaqqiissut manna malillugu aningaasanik tunniussinissamut akornusiinngillat.

Aningaasatigut ajunngitsorsiaq 300.000 koruuniuvoq, inunnullu toqoreersimasunut atuutinngilaq.

Naalakkersuisut ajunngitsorsianut aaqqiissutaat imaluunniit assinganik ajunngitsorsianut aaqqiissut malillugu aningaasatigut ajunngitsorsiat aningaasartaat aningaasarsianit akileraarutit pillugit Inatsisartut inatsisaanni isertitanut akileraaruserneqartussaataasunut, tigusisulluunniit procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat nr. 9, 1. juni 2017-imeersoq (kingusinnerusukkut allannguutilik) malillugu inoqutigiinnut maannakkorpiaq isertitaannut ilanngullugit naatsorsuunneqassanngillat. Aningaasatigut ajunngitsorsiassat aningaasartai pisortat ikiorsiissutaannik aalajangersaanermut, naatsorsuinnermut imaluunniit naleqqussaanermut aamma ilaatinneqanngillat, matumani aamma isertitat apeqqutaatinnagit ikiorsiissutitut.

Aningaasatigut ajunngitsorsiamik qinnuteqarneq sullissivik.gl-imi qarasaasiakkut immersugassiamik atuinikkut pissaaq. Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfik sukumiisumik nalileereernermit qinnuteqaatit allatut qinnutigineqarsinnaapput.

Oqaasertaliussaq malillugu peqqinnissaqarfimmit qinnuteqaatip paasissutissanik suliarineqarsinnaanissaanut, pisariaqartunik qinnuteqartoq pissarsisinnaanermik suliarinnissinnaanermullu akuersissaaq. Taamaanngippat aningaasatigut ajunngitsorsitinnissamik piumasaqaataasinnaasoq atorunnaassaaq.

Aalajangiinerit inaarutaasumik aalajangiinerupput, allaffissornermilu oqartussamut allamut maalaarutigineqarsinnaanatik. Taamaakkaluartoq malittarisassat atuuttut malillugit aalajangiinerit Inatsisartut Ombudsmandiannut kiisalu eqqartuussiveqarfinnut saqqummiunneqarsinnaapput.

2025-mut aamma 2026-mut Aningaasanut Inatsisit malillugit, matumani aamma peqqinnissaqarfiup 31. december 1992-ip tignerata kingorna arnat akuersiteqqaarnagit

imaluunniit ilisimanngisaannik naartunaveersaaserneqarsimasunut aningaasatigut ajunngitsorsiassaqaqtitsinissaq pillugu oqaasertaliussa q manna malillugu aningaasatigut ajunngitsorsiak akuerineqartut kiisalu aningaasatigut ajunngitsorsiassaqaqtitsinissaq pillugu assinganik aaqqiineq malillugu aningaasatigut ajunngitsorsiak akuerineqartut, pisortani imaluunniit namminersortut akiligassaqaqfiit eqqartuussisutigoortissinnaanngilaat imaluunniit akiligassanut matussutigisinnaanngilaat. Aningaasatigut ajunngitsorsiak tunniunneqareerpata, tunniussisoqarsinnaavoq. Aningaasatigut ajunngitsorsiassanik tiguisup pigisaanut nalilinnut allanut taakkua erseqqissumik immikkoortinneqarsimanngippata, aningaasatigut ajunngitsorsiassat tunniunneqareerpata aamma eqqartuussisutigoortitsisoqarsinnaallunilu akiligassanut matussusiisoqarsinnaavoq. Assinganik aningaasat erniaannut, iluanaarutaannullu atuuppoq.

Nr. 2

Suliat tamakkerlugit ukiumi aningaasanut inatsiseqarfiusumi 2026-mi naammassineqanngippata, konto pingaarnermi 67.01.19 Naartunaveersaatit pillugit suliami 2026-mut aningaasaliissutinit aningaasanik atunngitsuukkanik 2027-mut nuussinissamut Naalakkersuisut piginnaatinneqarput.”

30. juni 2026-mi ataatsimiinnermi Aningaasaqarnermut Akileraartarnermullu
Ataatsimiititaliamit akuerineqarpoq, takuuk Aningaasaqarnermut Akileraartarnermullu
Ataatsimiititaliap jr. nr.-a: 01.31.06/26-01175.